

Silaannakkut angallanneq il.il. pillugit inatsimmut allannguutissatut inatsisinik Kalaallit Nunaannut atuutilersitsineq pillugu peqqussut

UAGUT MARGRETHE AAPPAAT, Guutip saammaassineratigut Danmark-ip Dronning-ia, makkuninnga nalunaaruteqarpugut:

[Taanna ilaatigut isumannaallisaanermut akitsuut pillugu inatsisissatut siunnersuutitut 2021 / 2022-mi ataatsimiinnermi saqqummiunneqartussaq], Silaannakkut angallanneq pillugu inatsimmik allannguineq pillugu inatsimmik nr. xx, xx-imeersumik allanngortinneqartoq, Silaannakkut angallanneq pillugu inatsimmik allannguineq pillugu Inatsimmi nr. 731, 8. juni 2018-imeersumi § 3, Silaannakkut angallanneq pillugu inatsimmik allannguineq pillugu inatsit nr. 2073, 21. december 2020-meersoq²⁾ §3 kiisalu, [taanna ilaatigut isumannaallisaanermut akitsuut pillugu inatsisissatut siunnersuutitut 2021 / 2022-mi ataatsimiinnermi saqqummiunneqartussaq]³⁾, silaannakkut angallanneq pillugu inatsimmik allannguineq pillugu inatsit nr. xx, xx-imeersumi § 5, malillugit aalajangiunneqarpoq:

§ 1

Inatsimmik nr. 117, 11. marts 1987-imeersumik allanngortinneqartoq, inatsimmut nalunaarut nr. 408, 11. september 1985-imeersoq, inatsit nr. 429, 13. juni 1990-imeersoq, inatsit nr. 837, 18. december 1991-imeersoq, inatsit nr. 1087, 23. december 1992-imeersoq, inatsit nr. 328, 14. maj 1997-imeersoq, inatsit nr. 1114, 29. december 1997-imeersoq, inatsit nr. 346, 17. maj 2000-imeersoq, inatsit nr. 340, 16. maj 2001-imeersoq, inatsit nr. 1074, 17. december 2002-imeersoq, inatsit nr. 323, 5. maj 2004-imeersumi § 2, inatsit nr. 475, 9. juni 2004-meersoq, inatsit nr. 278, 20. april 2005-imeersumi § 2 kiisalu inatsit nr. 242, 21. marts 2007-imeersoq, naapertorlugit Kalaallit Nunaannut atuuttumi silaannakkut angallanneq pillugu inatsimmi, kunngillu peqqussutaatigut nr. 1268, 28. november 2017-imeersukkut atuutilersinneqartumi, allannguutit tulliuttut suliarineqarput:

1. § 3 imatut allanneqarpoq:

»§ 3. Pisortatigoortumik isumannaallisaanerup eqqarsaatigisassartai, sakkutooqarnikkut pissutigisat, imaluunniit pissutsit immikkut ittut pisariaqalersitsitippata, susassaqarfiit ilaasa iluanni silaannakkut angallannermut periarfissap killilersugaanissaa imaluunniit inerteqqutaanissaa pillugu, assartuinnermut Naalakkersuisoq (transportminister-i) maleruagassanik aalajangersaasinnaavoq.

MISSINGIUT

Imm. 2. Pisortatigoortumik isumannaallisaaneq piumasaqaateqartitsippat imaluunniit pissutsinik immikkorluinnaq ittunik atuuttoqartillugu, silaannakkut angallannermut periarfissap naalagaaffiup tamarmiusup iluani imaluunniit naalagaaffiup ilaani killilersugaalerallarnissaa imaluunniit inerteqqutaalerallarnissaa pillugu assartuinnermut Naalakkersuisoq (transportminister-i) maleruagassanik aalajangersaasinnaavoq. Tassunga atatillugu ministeri naalagaaffimmi tamarmi imaluunniit naalagaaffiup ilaani silaannakkut angallannermut periarfissamut piumasaqaatit pillugit maleruagassanik aalajangersaasinnaavoq.

Imm. 3. Imm. 2-mi pineqartut pissutsit suussusaat ingerlaannartumik atuutilersitsinissamik pisariaqalersitsippata, imm. 2 malillugu maleruagassat aalajangersarneqartut, Lovtidende-mi ikkunneqassanngitsut, assartuinnermut Naalakkersuisoq aalajangiisinnaavoq. Tamatumunnga taarsiullugu maleruagassat taamaattut Transportministerie-p nittartagaatigit tamanut saqqummiunneqassapput.«

2. § 10, *imm. 2*-mi, aamma § 11, *imm. 2*, *naqinneq c*-mi, »taassuma angutip« allanngortinneqarpoq imaalillugu: »piginnittup«.

3. § 15-imi »taassuma angutip« allanngortinneqarpoq imaalillugu: »atuisup«.

4. § 26, *imm. 2*-mi, »taanna angut« allanngortinneqarpoq imaalillugu: »minister-i«.

5. § 39-imi *oqaaseqatigiinni siullerni*, »taanna angut« allanngortinneqarpoq imaalillugu: »timmisartorsinnaanermut allagartaqartup«, aamma *oqaaseqatigiit aappaanni* »Taanna angut« allanngortinneqarpoq imaalillugu: »Timmisartorsinnaanermut allagartaqartoq«.

6. Sumiiffinni marluusuni, tassalu § 43, *stk. 2*-mi, aamma § 47, *oqaaseqatigiit aappaanni*, »taassuma angutip« allanngortinneqarpoq imaalillugu: »timmisartup naalagaata«.

7. § 43, *imm. 4*-mi, »Taassuma angutip« allanngortinneqarpoq imaalillugu: »Timmisartup naalagaata«.

8. § 45, *imm. 2*, *oqaaseqatigiinni siullerni*, § 127, *imm. 3*, *oqaaseqatigiit aappaanni*, § 149, *imm. 1*, *oqaaseqatigiit aappaanni*, aamma *imm. 6*, *oqaaseqatigiinni siullerni*, aamma § 150 a, *imm. 1*, *oqaaseqatigiinni siullerni*, »taanna angut« allanngortinneqarpoq imaalillugu: »pineqartoq«.

9. § 45, *imm. 2*, *oqaaseqatigiit aappaanni*, § 50, *imm. 2*-mi sumiiffinni marluusuni, § 132, *imm. 2*, aamma § 149, *imm. 6*, *oqaaseqatigiinni siullerni aamma pingajuanni*, »taanna angut« allanngortinneqarpoq imaalillugu: »pineqartoq«.

10. § 47, *oqaaseqatigiinni siullerni*, »taanna angut« allanngortinneqarpoq imaalillugu: »timmisartup naalagaata«.

11. § 50, *imm. 6-imi*, »taassuma angutip« allanngortinneqarpoq imaalillugu: »taassuma«.

12. § 50, *imm. 6-imi sumiiffinni marluusuni*, aamma § 50, *imm. 8, oqaaseqatigiinni siullerni sumiiffinni marluusuni*, »taanna angut« allanngortinneqarpoq imaalillugu: »inuk«.

13. I § 55, *stk. 1, oqaaseqatigiit aappaanni*, »-mut« siorna: »annertuumik« ikkunneqarpoq.

14. § 57, *imm. 2, nr. 8, naqinneq a-mi*, »sunaluunniit, nr. 6-imi nassuiaatigineqartunik pisariaqartunik nammataqarsinnaanermut timmisartoqarfiup neqerooruteqarsinnaannginnissaanut navianaammik annertuumik nassataqartoq, aalajangiussassamut, atuisinnaanermut imaluunniit ingerlatsinermik allannguinnermut siunnersuut, aamma«

allanngortinneqarpoq imaalillugu:

»sunaluunniit, nr. 6-imi nassuiaatigineqartunik pisariaqartunik nammataqarsinnaanermut timmisartoqarfiup neqerooruteqarsinnaannginnissaanut navianaammik annertuumik nassataqartoq, § 55, *imm. 1-imit* ilaatinneqanngitsut, aalajangiussassamut, atuisinnaanermut, ingerlatsinermik allannguinnermut imaluunniit atortutigut allannguinnermik siunnersuut, aamma«.

15. § 57-imi *imm. 3-tut* ikkunneqarpoq:

»*Imm. 3.* Assartuinnermut-, illunut- aamma ineqarnermut minister-i, Danmark-imi nunamut tamarmut aamma nunanut allanut angallannikkut attaveqarneranut pingaarutilimmik isumallit, timmisartoqarfinnut kiffartuussinnermut- aamma nammassinnaasanut anguniakkat pillugit, maleruagassanik, ilaatillugit kiffartuussinnermut- aamma nammassinnaasanut anguniakkatut aalajangersakkanik nakkutilliineq aamma atuutsitsineq pillugit maleruagassanik, sukumiinerusunik aalajangersaasinnaavoq.«

16. § 60, *imm. 1, oqaaseqatigiinni siullerni*, »tamanut« kingorna ikkunneqarpoq: », timmisartoqarfiullu pillugit susasaqarfimmi EU-mi peqqussut naapertorlugu allagartaqaataasusaanngitsoq (certificerigassaannngitsoq)«.

17. § 70 *a-mi imm. 1-ip* kingorna, immikkoortutut nutaatut ikkunneqarpoq:

» *Imm. 2.* Assartuinnermut ministerip Inatsisunik atortitsinnermut ministeri isumaqatigiinniaqatigereerlugu inuit isumannaallisaanermut nakkutilliinermik suliaqartartut imaluunniit, Den Europæiske Union-imit atuutilersinneqartut sakkutuujunngitsutut silaannakkut angallannermut isumannaallisaaneq pillugu

MISSINGIUT

peqqusutit malillugit, suliffeqarfinni isumannaallisaanermut akuerisaasuni, isumannaallisaanermut pilersaarutinut isersinnaasut, Angallanermut Aqutsisoqarfimmit (Trafikstyrelsen-imit) isumannaallisaanermut akuerisaanissaat pillugit, maleruagassanik aalajangersaasinnaavoq. Tamatuma saniatigut, qinnuteqartarneq pillugu, tamakkununga piumasaqaatit kiisalu nalunaarutiginnittarneq aamma isumannaallisaanermut akuersissutinik utertitsinerit pillugit Assartuinnermut ministeri maleruagassanik aalajangersaasinnaavoq. Tamatuma saniatigut, Justitsministeriaqarfik isumaqatigiissusiorfigereerlugu, paasisutissanik isertuussanik passussineq pillugu maleruagassanik Assartuinnermut ministeri, aalajangersaasinnaavoq.«

Imm. 2-6 tamatuma kingorna imm. 3-7-munngussapput.

18. I § 70 a-mi imm. 6-ip imm. 7-inngortup kingornagut imm. 8-tut ikkunneqarpoq:

»Imm. 8. Kalaallit Nunaanni isumannaallisaanermut akuersissutit Kalaallit Nunaanni Namminersorlutik Oqartussanit atuutilersinneqartarput.«

19. § 75, imm. 1, imatut allanneqarpoq:

»§ 75. Pissutsit immikkut ittut akerliutitsinngippata, qallunaat silaannaqarfianni inuussutissarsiutigalugu akuttoqatigiissaartumik silaannakkut angallanermut, akuersissummik Assartuinnermut ministeri tunniussisinnaavoq.«

20. § 111, imm. 1 aamma 2-mi, »113.000« allanngortinneqarpoq imaalillugu: »128.821«.

21. § 111, imm. 3-mi, »4.694« allanngortinneqarpoq imaalillugu: »5.346«.

22. § 111, imm. 4, oqaaseqatigiinni siullerni, »1.131« allanngortinneqarpoq imaalillugu: »1.288«.

23. § 111, imm. 5, oqaaseqatigiinni siullerni, »19« allanngortinneqarpoq imaalillugu: »22«.

24. § 130, imm. 1, oqaaseqatigiinni siullerni, »taassumunnga angummut« allanngortinneqarpoq imaalillugu: »piginnittumut«.

25. § 148, imm. 1 aamma 2, imatut allanneqarpoq:

»Timmisartortitseqatigiiffiit, ingerlatseqatigiiffiup angallataminut tamanut 4,75 kr.-inik akitsuummik Angallanermut-, Sanaartornermut- aamma Ineqarnermut Aqutsisoqarfimmut akiliisassapput. Akitsuut ilaasunut, ilaasut qulit sinnerlugit ilaasoqarsinnaanermut akuerisaasumik timmisartumik, angalasunut, imaluunniit qangattarnissamut tamakkiisumik 5.700 kg.-t sinnerlugit oqimaassusilinnut, qallunaallu

MISSINGIUT

mittarfianiit, timmisartornissamut tamanut ammasumiit, taamaattoq tak. imm. 3, tingisunut, akiliutaasassaaq.

Imm. 2. Imm. 1-imi eqqaaneqartoq akitsuut, Angallannermut-, Sanaartornermut- aamma Ineqarnermut Aqutsisoqarfiup sakkutuujunngitsutut silaannakkut angallannermik nakkutilliineranut atatillugu, ilaatillugit, imm. 1-imi malillugu akitsuummut ilaatinneqanngitsunik peqataasunik, kisianni timmisartumut ilaasut isumannaarsornissaannut pingaarutilimmik suliaqartunik nakkutilliineranut, suliassaanut attuumassutilinnik aningaasartuutinut, matussusiivoq.«

26. § 148, *imm. 1, oqaaseqatigiinni siullerni*, »4,75« allanngortinneqarpoq imaalillugu: »5,00«

27. § 148, *imm. 1, oqaaseqatigiinni siullerni*, »ingerlatseqatigiiffiup angallataminut« siornagut («kingornagut»-mut taarsiullugu kalaallisuunngortitsinermi killormut saatinneqartarmat) ikkunneqarpoq: »1. juni 2021-imiit 31. december 2021-ip tungaanut piffissami ingerlatseqatigiiffiup angallatai ilaasut minillugit,«.

28. § 148, *imm. 1, imatut allanneqarpoq*:

»Timmisartortitseqatigiiffiit, ingerlatseqatigiiffiup angallataanut tamanut 6,00 kr.-inik akitsuummik Angallannermut Aqutsisoqarfimmu akiliisassapput. Akitsuut ilaasunut, ilaasut qulit sinnerlugit ilaasoqarsinnaanermut akuerisaasumik timmisartumik, angalasunut, imaluunniit qangattarnissamut tamakkiisumik 5.700 kg.-t sinnerlugit oqimaassusilinnut, qallunaallu mittarfianiit, timmisartornissamut tamanut ammasumiit, taamaattoq tak. imm. 3, tingisunut, akiliutaasassaaq.«

29. § 148, *imm. 3, imm. 4, oqaaseqatigiinni siullerni*, aamma *imm. 6 aamma 7-imi*, »imm. 2« allanngortinneqarpoq imaalillugu: »imm. 1«.

30. § 148, *imm. 4-mi*, oqaaseqatigiit aappaasa kingorna oqaaseqatigiittut nutaatut ikkunneqarpoq:

»Aningaasat annertussusaat, oqaaseqatigiit siulliit apeqqutaatinnagit, 1. januar 2025 siullermeertumik nalimmassarneqassaaq(/maleruagassiuunneqassaaq).«

31. § 148, *imm. 4, oqaaseqatigiit pingajuanni*, imaalisumi: *oqaaseqatigiit sisamaanni*, »ukiut tamaasa« peerneqarpoq.

32. § 149, *imm. 4, oqaaseqatigiit pingajuanni*, aamma *imm. 10, oqaaseqatigiit aappaanni*, »tassunga angummut« allanngortinneqarpoq imaalillugu: »sulisitsisumut«.

33. § 149, *imm. 8-mi*, »§ 3«-p kingornagut: », imm. 1 aamma 2,« ikkunneqarput.

MISSINGIUT

34. § 149-mi, imm. 8-p kingorna immikkoortutut nutaatut ikkunneqarpoq:

»Imm. 9. § 3, imm. 3 malillugu aalajangersarneqartunik maleruagassanik unioqqutitsineq, akiliisitsinermik imaluunniit ukiut marluk tikillugit parnaarussaananermik pillarneqaataassaaq.«

Imm. 9-18 tamatuma kingorna imm. 10-19-munngussapput.

35. § 149, imm. 12-imi, imm. 13-inngortumi, »§ 57« allanngortinneqarpoq imaalillugu: »§ 57, imm. 1 aamma 2«.

36. *Ilanngussaq 1-imi*, § 95, imm. 3-mi »taanna angut« allanngortinneqarpoq imaalillugu: »angallassisoq«.

§ 2

Imm. 1 Peqqussut 31. december 2021 atuutilersinneqarpoq, taamaattoq tak. imm. 2-4.

Imm. 2. Peqqussummi § 1, nr. 1, 19 aamma 27, 1. januar 2022-imi atuutilersinneqassaaq.

Imm. 3. Peqqussummi § 1, nr. 26, 1. Januar 2023-mi atuutilersinneqassaaq.

Imm. 4. Peqqussummi § 1, nr. 28, 1. januar 2025-imi atuutilersinneqassaaq.

Imm. 5. Inatsisit § 70 a, imm. 2-4 malillugit aalajangersakkat atuutsiinnarneqassapput atorunnaarsinneqarnissamik tungaanut, imaluunniit silaannakkut angallanneq pillugu inatsimmi § 70 a-mi, imm. 3-5 malillugit nalunaarutinik pilersitanik allanik taarserneqarnissamik tungaanut.

Christiansborg Slot-imi tunniunneqarpoq

Kunngiussutsitsigut aammalu Naqissutitsigut

DRONNING-i.

/ Transportminister-i

- 1) Aalajangersagaq ima oqaasertaqarpoq: »§ 3. Inatsit Savalimmiunut aamma Kalaallit Nunaannut, atuutinngilaq, kisianni allannguutaasut ilaatillugit, Savalimmiuni aamma Kalaallit Nunaanni pissutsit apeqqutaallutik, kunngip peqqussutaatigut tamakkiisumik ilaannakuusumilluunniit Savalimmiunut aamma Kalaallit Nunaannut atuutilersinneqarsinnaalluni.«
- 2) Aalajangersagaq ima oqaasertaqarpoq: »§ 3. Inatsit Savalimmiunut aamma Kalaallit Nunaannut, atuutinngilaq, kisianni allannguutaasut ilaatillugit, Savalimmiuni aamma Kalaallit Nunaanni pissutsit apeqqutaallutik, kunngip peqqussutaatigut tamakkiisumik ilaannakuusumilluunniit Savalimmiunut aamma Kalaallit Nunaannut atuutilersinneqarsinnaalluni.«
- 3) Aalajangersagaq ima oqaasertaqarpoq: »§ 5. Inatsit Savalimmiunut aamma Kalaallit Nunaannut, atuutinngilaq, kisianni allannguutaasut ilaatillugit, Savalimmiuni aamma Kalaallit Nunaanni pissutsit apeqqutaallutik, kunngip peqqussutaatigut tamakkiisumik ilaannakuusumilluunniit Savalimmiunut aamma Kalaallit Nunaannut atuutilersinneqarsinnaalluni.«